

Salvesen Ami go bek long Lae

.... Gutpela wokbung wantaim polis



Foto: Bustin Anzu

AIS KRIM BLUS: - Major Kala (r) i skelim ais krim long ol polismeri long operesen bilong ol Ol polismeri ya em Plismeri Konstebol Mary Watah (l), Augustina Nou (c) na Mary Bellama.

Bustin Anzu i raitim

SALVESEN Ami long Lae igat gutpela wok bung wantaim polis bilong Lae siti. Kam bek bilong ol long nem bilong helpim ol trangu long taim nogut na raun wantaim ol long siti bilong Lae em wanpela gutpela piksa ol i kamapim pinis.

Dispela pasin wok bung wantaim i soim olsem ol i gat lewa bilong ol lain long ples na tu em wanpela gutpela mak olsem dispela pasin wok bung wantaim bai go long tru.

Wantaim gutpela na liklik luksave ikam long ovasis dona, Salvesen Ami i bin helpim tru ol man na meri long ol taim bilong hevi bilong ol olsem tait wara, graun guria na lo na oda problem insait long kantri, we ol disiplin fos olsem polis, ami na woda na ol narapela lain igo pas long en tu.

Salvesen Ami em wanpela oganasesin we i no kam aninit long lukaut bilong gavman, tasol i save helpim gut long taim bilong hevi na wari bilong ol pipel insait long kantri bilong yumi wantaim ol narapela samting. Pasin bilong laikim wanpela narapela em bikpela samting.

Dispela kain pasin piksa bilong ol, ol i bin soim long las yia, long krismas na niu yia operesen bilong polis

long Lae siti. Ol i bin kam bek bihain long klostu olsem 10 pela yias ol i no soim pes samting.

Ol memba bilong Salvesen Ami wantaim nupela komanda bilong ol long Not Kostal divisen Meja Sere Kala, i bin kisim kaikai i go long ol polisman man na meri husat ol i bin stap insait logn wanpela wokbung wantaim ol.

"Mipela i tingting long helpim yupela wantaim ol kaikai olsem pastaim mipela i save wokim. Salvesen Ami i save wokabaut wantaim polis long taim bilong woa na ol narapela birua taim olsem wara i kisim ples o graun guria na kisim ples wantaim ol narapela hevi tu.

"Dispela kaikai em mipela i laik tok tenk yu long ol gutpela wok yupela i wokim long dispela yia na mipela bai sapotim ol wok bilong polis igo yet," em i tok.

Em i tok tu olsem kam bek bilong ol em long soim sapot bilong ol long polis long nau na bihain tu.

"Mipela i laik wok bung wantaim ol polis long ol gutpela taim na taim nogut wantaim, maski mipela bungim hevi bilong mani," em i tok.

Long tok tenk yu, Lae polis bos Simon Kauba wantaim ol sinia opisas wantaim Lae polis stesin komanda Superintenden Leo Lamei wantaim OIC

CID, sip inspekta Donald Yamasombi na ol polisman na meri i soim pes na amamasim dispela luksave bilong Salvesen Ami.

"Dispela em namba wan taim mipela i lukim mumu kaikai - pik, kumu, banana na ol kumu. Dispela em winim ol narapela yias mipela i save kaikai drai bisket na wok. Nau mipela i kaikai mumu kaikai na tok tenk yu long Salvesin Ami," Kauba i tok.

Dispela soim pes pasin bilong Salvesen Ami i soim olsem ol komyuniti na polis i wok bung wantaim.

"Mipela ino lukim ol Salvesin Ami long longpela taim liklik na dispela pasin bilong karim kaikai i brukim bel bilong mipela stret.

"Ino long taim bilong birua olsem graun Guria na wara kisim ples tasol long ol kain wok bilong polis, dispela i soim mipela i wok bung wantaim," bos bilong CID Yamasombi i tok.

Meja Kala i save lukautim opis bilong Momase rijon long ol wok program bilong boda Na Niu Gini Ailan Na tu Manus wantaim Bogenvil.

Wankain pasin tu ol i mekim long ol narapela trangu lain olsem ol kalabus man meri long CIS Buimo na ol manki long ol strit bilong Lae siti. Ol i bin grivim ol kaikai wantaim ol loli na ol kain samting olsem.

ment of key
of Papua New
cent for March

Popoitai, MBE
ernor